

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
ZENICA
Broj: T04 0 KTD 0057519 25
Zenica, 09.07.2025.godine

HITNO PRITVOR!

KANTONALNI SUD U ZENICI
-Sudiji za prethodno saslušanje-
ZENICA

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku Federacije Bosne i Hercegovine, p o d i ž e m o

O P T U Ž N I C U

Protiv osumnjičene V. E., ranije osuđivana presudom Općinskog suda u ... broj: ... od 27.07.2013. godine zbog krivičnog djela iz člana 323. stav 1. i 3. i člana 173. stav 3. KZ F BiH na kaznu zatvora u trajanju od osam mjeseci, uslovno dvije godine, presudom Općinskog suda u ... broj: ... od 16.11.2017. godine zbog krivičnog djela iz člana 286. stav 2. KZ F BiH, na kaznu zatvora u trajanju od tri mjeseca, uslovno dvije godine, presudom Općinskog suda u ... broj: ... od 08.03.2018. godine zbog krivičnog djela iz člana 286. stav 2. KZ F BiH na kaznu zatvora u trajanju od šest mjeseci, uslovno tri godine i presudom Općinskog suda u ... broj: ... od 03.03.2020. godine zbog krivičnog djela iz člana 219. stav 1. KZ F BiH na kaznu zatvora u trajanju od šest mjeseci, uslovno jedna godina, nalazi se u pritvoru po Rješenju Općinskog suda u ... broj: ... od 08.02.2025. godine u trajanju od mjesec dana, počev od 06.02.2025. godine od 15,20 sati, kao časa lišenja slobode, pa do 06.03.2025. godine do 15,20 sati, koji pritvor je produžen za dva mjeseca Rješenjem Općinskog suda u ... broj: ... od 28.02.2025. godine počev od 28.02.2025. godine od 15,20 sati i može trajati najduže do 28.04.2025. godine, do 15,20 sati, te Rješenjem Kantonalnog suda u ... broj: ... od 24.04.2025. godine, sa trajanjem počev od 24.04.2025. godine do 24.07.2025. godine, bez naznake časa isteka pritvora, zastupana po braniocu po službenoj dužnosti – Tomaš Slavenu, advokatu iz Zenice, ne vodi se drugi krivični postupak,

što je:

Na području grada Zenica, u vremenskom periodu od juna mjeseca 2023. godine, pa do 24.04.2024. godine, u svrhu iskorištavanja druge osobe, iako je bila svjesna da, radi zarade, s namjerom, ženske osobe prima kod sebe u stan radi iskorištavanja, vrbuje iste i predaje različitim muškarcima radi prostitucije, to i htjela, poticala druge ženske osobe na pružanje seksualnih usluga, omogućavala različitim muškim osobama korištenje seksualnih usluga koje je organizovala i vodila pružanje seksualnih usluga, omogućavala seksualne usluge u stanovima ... i ..., na način da je sa različitim muškarcima, korisnicima seksualnih usluga, dogovarala mjesto i vrijeme korištenja seksualnih usluga, na način da je sa istima kontaktirala putem svog telefona korisničkih brojeva: ... i ..., te putem Facebook Messengera sa svog profila pod nazivom "... " kojima je, a nakon što bi se sa korisnicima usluga sastala na dogovorenom

mjestu, na svom mobilnom telefonskom aparatu pokazivala fotografije različitih djevojaka i upoznavala ih o cijenama seksualnih usluga za svaku djevojku pojedinačno, po cijenama usluga od 200,00 do 600,00 KM, na način da je djevojke klasirala po cijenama i to, označavajući ih kao "klasik" 100-150 i 200-250 KM, a "Top" 200-300 Eura, pa nakon što bi korisnici usluga pristali na cijenu i odabrali djevojku koju žele za seks, pokazujući na fotografiju odabrane djevojke, dogovarala vrijeme kada će odabrana djevojka izvršiti seksualnu uslugu koja je dogovorena, pa bi korisnici, po uputi, dolazili u naznačene stanove, kao i druge dogovorene lokacije u Zenici, gdje bi ih dočekivala i istima odmah naplaćivala dogovoreni iznos novca, a korisnici bi ulazili u sobu gdje je predavala jednu od dogovorenih djevojaka, nakon čega je napuštala stan ili ostajala u stanu, ali u drugoj prostoriji, pa je tako:

1. Tačno neutvrđenih dana, u označenom vremenskom periodu u Zenici, maloljetne osobe koje nisu navršile 18 godina života u svrhu iskorištavanja prostitucijom primila u svoj stan u ... (Ul. ...), pa je tako mldb. ..., ... (rođena ...) i mldb. ..., (rođena ...), primila iskoristivši njihovu mladu životnu dob i situaciju u kojoj se nalazila obzirom da su bile u lošim odnosima sa roditeljima i poticala iz nesređenih porodica, da su bile bez sredstava za život i tražila utočište, pa je iste u naznačenom stanu poticala na prostituciju, na način da je vodila računa o njihovom fizičkom izgledu, uređivala iste za pružanje seksualnih usluga (vodila pedikeru, na frizure, kupovala seksi odjeću idr.), pa je zabranjivala komunikaciju sa licima kojima pružaju seksualne usluge, nakon čega je dovodila u naznačeni stan različite NN muškarce, korisnike seksualnih usluga, gdje bi ih dočekivala i istima odmah naplaćivala dogovoreni iznos novca, nakon čega bi korisnici ulazili u spavaću sobu gdje ih je dočekivala jedna od dogovorenih djevojaka i to nekada mldb. ... ili mldb. ... sa kojima bi imale seksualni odnos, nakon čega je istim davala 50,00, 70,00 ili 80,00 KM za pružene usluge, pa kada se mldb. ... „pobunila“ zbog iznosa koji joj daje, dalje nastavila davati iznos od 100,00 ili 150,00 KM, da nakon čega bi NN muškarci napuštali stan ili neku drugu lokaciju koju E. unaprijed dogovori,

dakle, primila u svoj stan maloljetnice u svrhu iskorištavanja prostitucijom i drugih oblika seksualnog iskorištavanja,

2. Tačno neutvrđenih dana, u označenom vremenskom periodu Š. E. iz Z., kojeg je u svom telefonu označila kao "Stalni 200 E.", sa kojim je stupila u kontakt putem internet stranice „...“, po prethodnom dogovoru, lično povremeno pružala seksualne usluge za novac u svom stanu na adresi ..., a nakon toga od sredine 2023. godine, u stanu u ul. ..., sprat ... u kojem je boravila, nakon što je lično pružila seksualnu uslugu istome za novac pokazala na svom telefonu fotografije više djevojaka u donjem vešu i ponudila mu da izabere djevojku koju želi za seks, pri tome mu saopštavajući cijenu za svaku od pokazanih djevojka u rasponu od 200 do 350 KM, na koje uslove je pristao, te izabrao dvije djevojke sa kojima želi seksualni odnos i to mldb. ..., ... (rođena ...) i mldb. ..., ..., (rođena ...), s kojima je imao seksualne odnose u više navrata, a najmanje po dva puta sa svakom od njih, na način da bi E., po prethodnom dogovoru sa istom putem telefona, došao u stan na adresi ..., gdje bi ga E. dočekala i odmah isplatio istoj dogovoreni iznos novca u iznosima od po 200,00 do 350,00 KM, a u drugoj prostoriji istog je čekala djevojka, nekad mldb. ..., a nekada mldb. ..., a da prethodno nije znao koja od odabranih djevojaka će dogovorenog dana biti sa njim, nakon čega je imao seksualne odnose sa jednom od ovih djevojaka, za koje vrijeme bi E. ostajala u stanu, ali u drugoj prostoriji ili izlazila iz stana, pa nakon obavljene seksualne usluge je napuštao stan, a za vrijeme dok je bio u sobi sa djevojkama nije razgovarao sa istima, kako je to tražila E.,

dakle, primanjem isplata privolila drugu osobu na seksualno iskorištavanje osobe koja nije navršila 18 godina života,

3. Dana 27.01.2024. godine u Zenici K. A., kojeg je u svom telefonu registrovala kao "300e Top Vrh ..." i nakon što je A. pozvao na njen broj telefona i pitao: "Ima li kakva cura za seks?", dogovorila sastanak u kafiću "..." u Zenici, kada je istom pokazala na svom telefonu fotografije tri djevojke u donjem vešu i ponudila mu da izabere djevojku koju želi, saopštavajući cijenu po 300 Eura za svaku od ponuđenih djevojaka, pa nakon što je A. rekao da mu ne odgovara cijenu i da je cijena visoka, ponudila cijenu izabrane djevojke za 400,00 KM, na šta je A. i pristao, te pokazao djevojku sa kojom želi imati seksualni odnos i to djevojku koja je imala kosu smeđkaste boje dužine malo ispod ramena koja je na sebi imala donji veš roze boje, a radi se o mlđb. ..., kći ... (rođena ...), pa je tako dana 03.02.2024. godine, a po prethodnom dogovoru putem aplikacije Facebook Messenger došao u stan u ul. ..., gdje ga je dočekala, te odmah od istog naplatila dogovoreni iznos novca u iznosu od 400,00 KM i predala ključ od stana, te dala upute da telefonom javi kada završi seks, kako bi istoj mogao vratiti ključ od stana ispred zgrade, nakon čega je izašla iz stana, a A. je zaključao stan, ušao u spavaću sobu u kojoj ga je dočekala spremna mlđb. ..., gdje je i imao seksualni odnos sa istom, pa nakon što je završio, napustio stan, a mlđb. ... ostala u stanu, a prema uputama E. poslao poruku: "mi smo gotovi ajte kući", "extra je mala", te po izlasku iz zgrade predao ključ, kako su se ranije dogovorili,

dakle, primanjem isplata privolila drugu osobu na seksualno iskorištavanje osobe koja nije navršila 18 godina života,

4. Tačno neutvrđenih dana, u označenom vremenskom periodu u Zenici, Š. M. iz Zenice, zbog toga što nije imala gdje da živi, niti sredstava za život, a zbog svađe sa majkom, pa iskoristivši to njeno stanje bespomoćnosti, istu vrbovala, pa u svrhu iskorištavanja M. istu primila u svoj stan u ulici ..., te od iste tražila da ima seksualne odnose sa NN muškim osobama koje bi joj ona pronalazila i dovodila u stan, pa kada pronade korisnika usluga za seks istoj oduzimala mobitel, tražila od iste da ode u spavaću sobu, kako bi se spremila za seks, za koje vrijeme je odmah uzimala dogovorene neutvrđene iznose novca od korisnika usluga, a M. je nakon obavljene seksualne usluge davala nekada 20,00, a nekada 50,00 KM, pa nakon što se M. vratila kući svoje mame, pozivala istu da dođe i u stan u ul. ..., gdje bi je dočekivala sa M. nepoznatom muškom osobom, nakon čega je M. na isti način kao i ranije imala seksualni odnose sa tim NN muškarcima, a po završenom seksualnom odnosu, plaćala M. iznose od 20,00 do 50,00 KM, pa je tako i dana 09.04.2024. godine, putem Facebook Messengera, poslala M. poruku u kojoj je saopštila da joj je dogovorila sastanak sa NN muškarcem, na autobuskoj stanici u Radakovu, te istoj dala upute da odmah po ulasku u vozilo od tog NN muškarca unaprijed naplati iznos od 100,00 KM, te da nakon završenog "posla", da na njen račun, u kladionici „...“ uplati 50,00 KM, pa je M. po uputama E. od NN muškarca naplatila dogovoreni iznos novca, te 50,00 KM uplatila na račun E. u Kladionici „...“, a 50,00 KM zadržala za sebe,

dakle, iskorištavanjem položaja bespomoćnosti vrbovala drugu osobu radi prostitucije,

5. Tačno neutvrđenih dana, u označenom vremenskom periodu u Zenici, S. Š. iz Zenice znajući da živi sama sa svojom mlđb. kćerkom i da je bez sredstava za život, pa iskorištavajući teško materijalnu životnu situaciju istu vrbovala i navela na prostituciju, na način da je S. više puta pozivala da se sastane sa NN muškarcima, koje joj je E. pronalazila, kako bi S. sa istima imala seksualne odnose za novac, koji susret bi E. unaprijed dogovorila, pa nakon što bi S. na to pristala, organizovala susret u stanu u kojem je tada stanovala, u ul. ... i od korisnika usluga prethodno naplaćivala za seksualnu uslugu neutvrđeni iznos novca, pa nakon što bi S. završila

sa seksualnim odnosom sa odabranim muškarcem, istoj davala novac u iznosu od 200 Eura, a ostatak bi zadržavala za sebe,

dakle, iskorištavanjem položaja bespomoćnosti vrbovala drugu osobu radi prostitucije,

6. Tačno neutvrđenih dana, u označenom vremenskom periodu u Zenici, D. N. iz Zenice znajući da je u teškoj životnoj situaciji i da nema dovoljno sredstava za život, obzirom da je živjela sa majkom i bratom kao podstanar i sa minimalnim primanjima, pa iskoristila to njeno stanje bespomoćnosti, dok je bila zaposlena u kafiću „...“ u naselju ..., pa u svrhu iskorištavanja vrbovala na način da je jednog neutvrđenog dana na traženje N. da joj pozajmi iznos od 100,00 KM, dala novac, određujući rok kada će vratiti pozajmljeni novac, pa prije isteka roka svakodnevno počela da traži od N. da vrati pozajmljenih 100,00 KM, prijeteći u kafiću pred mušterijama da će da kaže njenoj majci za dug i da će tražiti od njene majke da joj vrati dug od 100,00 KM koji je pozajmila N., pa kada je N. u više navrata govorila da nema novca, rekla: „Pa mogla si odraditi tih 100 maraka“, na šta je N. pitala: „Kako“, pojasnila N. da ima poznanike iz drugih gradova koji dolaze u Zenicu njen stan u kojem im obezbijedi djevojke za seksualne usluge, pa da ti poznanici plate njoj za korištenje stana i uslugu obezbjeđenja djevojke, a da nakon pružene seksualne usluge plati djevojci 100 KM, prijeteći da ne smije razgovarati „sa mušterijama“, da ne smije reći kako se zove, odakle je, niti ostvarivati bilo koju vrstu kontakata, pa kako N. nije imala drugu mogućnost da vrati dug od 100,00 KM, pristala na pružanje seksualne usluge kako je to tražila od N., pa je N. po dogovoru došla u stan u Ul. ..., na ... spratu gdje je sačekala na vratima stana, dok je u stanu bio muškarac starosti 45-50 godina, pa kada je ušla u stan N. je uputila da uđe u sobu i rekla: „Znaš šta ti je raditi“, nakon čega je izašla iz stana i zaključala vrata, pa nakon pružene seksualne usluge došla u stan, a N. je bez riječi napustila stan, na koji način je otplatila dug od 100,00 KM, pa je tako i još nekoliko puta, najmanje 4-5 puta u označenom vremenskom periodu, na isti način, dolazila u kafić „...“ nakon što je prethodno putem aplikacije „Vibar“ pozivala N. da dođe u stan, pa je sama dolazila u kafić „...“ govorila da N. treba u prodavnicu glasno da gosti u kafiću to čuju, pa nakon odlaska N. mijenjala istu na mjestu konobarice, a nekada bi plaćala po 20,00 KM I. M. da zamijeni N. na mjestu konobarice, pa je sa N. izlazila pred kafić, davala ključeve od stana i iznos od 50,00 ili 100,00 KM, zavisno od dužine trajanja seksualnog odnosa, a ostatak novca zadržavala za sebe, nakon čega je N. odlazila do naznačenog stana, gdje je čekao uvijek jedan NN muškarac, pa nakon završenog seksualnog odnosa, vraćala je E. ključeve, a muškarac kome je pružila seksualnu uslugu je uvijek ostajao u stanu,

dakle, korištenjem stanja bespomoćnosti i davanjem pozajmice prisilila na seksualno iskorišćavanje drugu osobu,

čime je počinila,

-pod tačkom 1., 2. i 3. dva krivična djela Trgovine ljudima iz člana 210a. stav 2. KZ F BiH, u stjecaju sa

-pod tačkom 4., 5. i 6. tri krivična djela Trgovine ljudima iz člana 210a. stav 1. KZ F BiH, sve u vezi sa članom 54. istog Zakona.